

Kartel seludup daging sejuk beku tidak halal



Pegawai operasi menjalankan pemeriksaan ke atas daging sejuk beku dari Brazil, China dan Ukraine yang dipercayai dibungkus semula di sebuah gudang di Senai, Johor Bahru.

Daging sejuk beku diseludup dari Brazil, Ukraine dibungkus semula dengan cap halal dipercayai palsu

ditampal pada kotak daging yang telah dibungkus semula itu.

Tindakan itu dibuat bagi meyakinkan pemborong di Malaysia konnaanya bekalan daging sejuk beku itu diperoleh dari negara yang dibenarkan pengimportannya sebelum dipercayai diedar ke pasaran tempatan.

Operasi diketuai oleh Kementerian Perdagangan Dalam

Negeri dan Hal Ehwal Pengguna (KPDNHEP) itu mendapati kartel terbabit mengupah pekerja warga asing bagi mel-

kukan kerja pembungkusan semula dengan mereka diberi kemudahan asrama penginapan.

Ketua Pengarah Maqis, Saiful Yazan Alwi berkata, dalam serbuan itu sebanyak 1,500 tan daging sejuk bernilai RM30 juta telah disita.

Taktik jahat kartel yang menyeludup daging beku dari China, Ukraine, Brazil dan Argentina sebelum membungkus semula daging tersebut dengan logo halal dan menjualnya ke pasaran seluruh Malaysia terbongkar dalam serbuan bersepada pihak berkuasa di sebuah gudang di Senai di sini semalam.

Hasil risikan Jabatan Perkhidmatan Kuarantin dan Pemeriksaan Malaysia (Maqis) mendapati kartel berkenaan dipercayai menyamar sebagai syarikat pembekal daging sejuk beku dengan menjadikan gudang berkenaan sebagai lokasi untuk membuat label dan cap palsu. Daging sejuk beku itu akan

JOHOR BAHRU

**LAPORAN
KHAS**



Laporan Sinar Harian pada 23 November lalu.

"Buat masa ini kita masih menyiasat lagi bagaimana daging sejuk beku yang kebanyakannya diseludup dari China, Ukraine, Brazil dan Argentina boleh terlepas masuk," katanya kepada *Sinar Harian* semalam.

Operasi berkenaan turut disertai Jabatan Kemajuan Islam Malaysia (Jakim), Jabatan Kas-tam Diraja Malaysia (JKDM) Johor serta Jabatan Agama Islam Negeri Johor (JAIN).

Saiful Yazan berkata, modus operandi sindiket terbabit adalah dengan mendapatkan stok daging sejuk beku dari luar negara sebelum dikatakan diseludup melalui Pelabuhan Pasir Gudang dan Pelabuhan Tanjung Pelepas.

"Bagi memastikan kegiatan penyeludupan terbabit berjaya, mereka (sindiket) dipercayai akan menggunakan dokumen palsu termasuklah borang Kastam, permit import, sijil halal atau pun resit bayaran."

"Bagi mengaburi mata pihak berkuasa pula, sindiket turut mengimpor daging daripada sumber yang sah sebelum dibawa ke gudang terbabit di Senai," katanya.



Antara pelekat dan cap dipercayai palsu yang ditemui di dalam gudang.

Saiful Yazan berkata, selepas itu, daging-daging terbabit akan diletakkan di satu bahagian khas untuk disimpan.

Katanya, pemeriksaan lanjut juga mendapati daging yang dicurigai itu kemudian akan dibuat pembungkusan semula di dalam sebuah bilik yang dilengkapi mesin pemotong.

Difahamkan kerja-kerja pembungkusan itu dilakukan beberapa pekerja warga Bangladesh.

"Daging atau organ dalam tersebut akan dimasukkan di dalam kotak sebelum ditampal dengan pelekat serta dicap dan dilabel seakan-akan daging terbabit adalah halal."

"Siasatan kita mendapati cap logo berkenaan ditempah dari sebuah premis percetakan di Ulu Tiram dekat sini," kata-

nya.

Tambahnya, daging 'halal' yang siap dibungkus semula kemudian akan diletakkan di peti simpanan bersuhu -18 darjah Celsius. Malah ia juga dicampur dengan susunan daging lain yang memiliki sijil halal yang sah.

Katanya lagi, siasatan awal pihaknya mengesyaki ia adalah daripada sumber yang diperoleh dari loji penyembelihan tidak sah dan



Pegawai penguat kuasa memeriksa daging sejuk beku yang dipercayai diseludup dari luar negara.

tidak diiktiraf oleh pihak Jakim dan Jabatan Perkhidmatan Veterinar Malaysia.

"Di gudang ini dipercayai ada daging yang sah dan tidak sah. Kita percaya, kalau daging itu halal, tidak akan ada proses pembungkusan semula," kata-

Mengulas mengenai kaitan gudang serta pusat pemborong berkenaan jelasnya, pusat pemborong tersebut disyaki mendaftarkan bekalan daripada gudang terbabit berikut penemuan bukti resit jualan yang ditemui.

"Selain itu, beberapa barang lain turut ditemui antaranya cap halal serta pelekat palsu yang digunakan sindiket berkenaan," ujarnya.

Jelas Saiful, siasatan masih dijalankan bagi mengenal pasti sejak bila kegiatan terbabit mula beroperasi.

Tegasnya, Maqis memandang serius perkara ini dan tindakan undang-undang berkaitan serta akan bekerjasama dengan KPDNHEP untuk tinjakan selanjutnya.

Sinar Harian 23 November lalu mula mendedahkan mengenai syarikat ejen fret (*freight forwarder*) yang menguruskan proses pengimportan daging sejuk beku halal mengambil jalan mudah mengimport daging sejuk beku dari negara yang tidak menerima kelulusan sah Jakim.